

容城縣志卷之二

宮室志

宮室之制遠矣非徒輪奐觀美已也向明而治
臨兆庶辨等威焉故備述朔建始末以俟治人
晉之公署明行政立教之所繼之舖舍昭巡歷
觀風之司次壇壝重祈報也次祠宇表功德也
次縉楔紀勲烈也凡此者固不可窮工極麗以
儆民而亦不容漫不修葺使傾盡而後大翔其
殃民也倍甚後之君子尚其踵敝增新顧名思
義也哉

公署

縣治城內偏西明初隸雄州洪武七年改雄州爲

縣併其地治傾圮洪武十四年復設容城縣大

尹唐益因舊修正廳三間軒堂一間後堂三間

嘉靖九年大尹祁鯨修耳房二間幕廳三間正

德七年大尹呂錫重修東西司房左吏戶禮房

承發科架閣庫右兵刑工馬科儀門內有官箴

牌樓縣宅在正廳後典史宅在儀門東正德六

年流賊兵燹縣治俱壞大尹劉相重修嘉靖四

十四年大尹張國賢重修正廳隆慶三年大尹

李慕春重修後廳萬歷十二年大尹劉羽國建
東廳三間書舍三間築更垣一圍萬歷三十年
大尹蔣如萃重修建西廳三間康熙八年大尹
趙士麟重修後廳琴堂三間廂房四間書辦房
十四間增建樓一座大堂抱廈三間快手房一
間民壯房一間

庫樓在縣後廳之西嘉靖三年大尹畢張建今廢
庫房在縣正堂之東嘉靖三年大尹畢張重修今
廢

儀仗庫三間在縣廳西北今廢

賓賓館在大門內東萬歷十五年建今廢

典史宅在儀門內東

鼓樓在縣大門上圯後未修

鐘樓在縣治大門東南乾隆十三年大尹程愨建

申明亭在縣東南洪武年建今廢

旌善亭在縣門東 治年建今廢

癘惡亭在縣門西嘉靖年建今廢

察院在縣治東今廢

府廳在縣治西今廢

陰陽學在縣治東北今廢

醫學在縣治東北今廢

惠民藥局在縣東南久圯

養濟院在城內西南

留養局一在城東關一在白溝店

常平倉在縣廳西北

社倉附

義倉四一在胡村一在白溝一在野橋一在小李
學倉在明倫堂東今廢

演武場在縣城南正德九年大尹劉相買民地十

畝剏建今圯遺址存

以上舊志

舊志鐘樓在縣署東南去大門僅數武咸豐七年
改建南門內頭條街街鐘樓舊地基向在烈女
祠後東西長可兩丈五尺南北濶可兩丈零八
寸

舊志載義倉凡四今遺址僅存道光十年又於城
內大街路東建立義倉存有碑記

舖舍

縣城更夫巡更舖中舖一間北門外舖一間門
外舖一間西門外舖一間

南張舖在縣治西十五里原在村內南北長十五

步東西濶十二步計地八分嘉靖十年移村東計地一畝

王祥舖在縣治東三十里東西長三十步南北濶二十二步舖內地二畝五分舖東地五畝舖北地一畝五分舖南地一畝五分又路西圍圍地四畝

胡村舖在縣治南十里計地八分

壇壝

社稷壇在城西北里許

風雲雷雨山川壇在城東里許

客坊縣志 卷二 四
先農壇在城正東里許

厲壇在城東北

義塚四

一在縣西北七里張楚村劉世達地

一在縣正北五里王家莊王鑑地

一在縣西南二里樓堤村太監劉清地有碑

一在縣西四里樓堤村生員康君錫地有碑

廟祠

關帝廟在縣治西

龍王廟在縣西關西南

城隍廟在縣治西北洪武十四年大尹唐益建景泰三年大尹王豫重修隆慶三年大尹李蔡春重修碑石存萬歷三十年大尹蔣如萃重修添建迴廊乾隆二十年大尹郭成峻重修添建戲樓八蜡廟在縣南里許

今廟內神像與典禮不合

劉猛將軍廟在八蜡廟內

土地祠在縣治內儀門東南

馬神廟在縣治內東北馬廐內

文昌閣在縣東城上萬歷三十年大尹蔣如萃建
魁星閣在縣東南城上

靜修祠在縣治西南元至正年勅建嘉靖二十三年
邑進士陰標增修萬歷三十年大尹蔣如萃重
修刻椒山和靜修九飲歌於碑順治二年邑人
陰葆元重修順治十年邑人胡或重修乾隆二
十五年知縣王克淳倡紳士重修有碑記

忠愍祠在邑學東萬歷四年建有碑記十四年大尹
江左彥增修三十年大尹蔣如萃重修天啓六

年大尹宋之儁置祭田崇 九年大尹聶廕緒

重修順治三年大尹江起元重修督學曹溶給

穀二十石十五年大尹霍光祥重修康熙二年

大尹陳士性重修六年署任蔣仕榮增橋子督

學蔣超給銀二十兩五十五年大尹郁士選重

修雍正十三年間王之麟重修乾隆十四年大

尹程愷置溝西村祭田二十七畝高家莊地六

畝南張村地三畝有碑記乾隆二十年大尹劉

師健置胡村地二十九畝乾隆二十四年 總

督方 撥永清縣秉教村河淤地六頃安州

新安縣同口村河淤地三頃爲祠祭田有碑記
徵君祠在縣治西南康熙十九年大尹孟長安率邑
紳士建有碑記

忠義祠在明倫堂東

節孝祠在縣治東北大街路西

烈女祠在縣治東南嘉靖十一年知縣祁鯨建今廢
邑侯徐張二公生祠在北郭定興鹿善繼爲之記載

藝文

邑侯朱王宋三公生祠在南郭

邑侯晉公生祠在白溝店

宋楊將軍廟在縣治西北城隍廟前今廢

將軍諱延昭宋時駐

防於城東

設駟馬臺

劉誠意伯廟在縣東北里許

伯諱基容爲立廟不知何自

以上舊志

按

文昌閣建於前明萬曆三十年至

國朝嘉慶間遺址已蕩然無存道光二十三年邑

侯梁公卽其地重新建立規模宏壯爲一邑之

巨觀時邑人楊永平秦貞胡廷龍宋珠辛一成

梁安齊永安趙太來趙夢彬劉鳳鳴各捐銀一

百六十兩除經費外尙餘制錢六百串邑尊詳
明上憲發商生息爲正義書院膏火之資

靜修祠嘉慶十九年重修

節孝祠道光二十五年重修武生陳炳先於二十八
年添設節婦牌位二百餘座

烈女祠在縣治東南數武舊鐘樓地基後身咸豐七
年重建一小間

綽楔

城隍廟坊在縣治東北天啟三年大尹宋之儁建
儒林坊在學門前匾曰儲元養相今廢

靜修坊在祠前今廢

理學坊在縣治西南天啟三年大尹宋之儁建今
廢

儒官登第坊爲本縣教諭登癸丑進士吳鵬建今
廢

文昌閣坊天啟三年大尹宋之儁建今廢

進士坊在縣治東南爲給事中劉吉和建今廢

進士坊在縣治東南爲刑部侍郎王寅建今廢

進士坊在白溝店爲工部侍郎王寅建今廢

進士坊在縣治東北爲戶部員外郎李世亨建今廢

進士坊在縣治東南爲叅議魏彥昭建今廢

進士坊在縣治東南爲叅議陰標建今廢

恩榮坊在縣治東南爲勅贈兵部主事陰重光建今廢

昭代直臣坊爲忠愍楊繼盛建康熙十年直隸守道丁思孔重修改爲匡世直臣

雙壽重封坊爲勅封行人宋文德孺人鄭氏建

今廢

進士坊爲戶部郎中宋豸建今廢

舉人坊在縣治東南爲閻通建今廢

舉人坊在縣治東爲沈廣建今廢

舉人坊在縣治南爲楊志建今廢

舉人坊在縣治東北爲胡世忠建今廢

舉人坊在白溝店爲李世卿建今廢

舉人坊在縣治東爲劉盤建今廢

恤刑三晉坊在白溝店爲比部郎胡向化建

鄉賢坊在縣東關爲誥贈太常寺少卿梁景先建
鄉約坊在大街路西嘉靖三十五年大尹張國賢
建

貞節坊在縣西南東牛村爲陰繼先妻崔氏建

貞節坊在縣治東南爲張志剛妻李氏建

貞節坊在縣西南東牛村爲陰春妻王氏建

貞節坊在縣治東北爲張世官妻王氏建

貞節坊在縣南白龍村爲生員王之肱妻陰氏建

貞節坊在縣村爲生員陳紹慶妻田氏建

貞節坊在縣西溝西村爲張鐸妻李氏建

貞節坊在縣南午方村爲孫光祚妻李氏建

貞節坊在縣治東南爲康廷相妻楊氏建

貞節坊在縣東南白塔村爲王鄴然妻胡氏建

貞節坊在縣西樓堤村爲生員胡堪妻顏氏建

貞節坊在縣東南白塔村爲生員王懋極妻孫氏建

貞節坊在縣東南爲生員宋淙妻孫氏建

貞節坊在縣治後爲生員陳理陽妻張氏建

貞節坊在縣治東北爲魏良用妻董氏建

貞節坊在縣治東南爲胡滄妻常氏建

貞節坊在縣東北后臺村爲朱爾均妻楊氏建

貞節坊在縣北北城村爲生員李煥元妻孫氏建
貞節坊在縣西南小李村爲安維翼妻凌氏建

節烈坊在縣南午方村爲黃桂林妻孫氏建

貞節坊在縣西北野橋村爲生員殷其熾妻周氏
建

貞節坊在縣

村爲張天才妻丁氏子婦

蕭氏建

貞節坊在縣北北城村爲梁永瀚妻何氏建

貞節坊在縣南午方村爲孫公望妻李氏建

貞節坊在縣

村爲王幾妻張氏建

貞節坊在縣東北溝市村爲劉國祥妻沈氏建

貞節坊在縣北北城村爲生員李用行妻崔氏子
婦凌氏建

貞節坊在縣東劇村爲顏大成妻蕭氏建

貞節坊在縣西南張村爲生員牛斗先妻陳氏建

貞節坊在縣西北張村爲殷寶柱妻路氏建

貞節坊在縣北高家莊爲高材妻張氏建

貞節坊在縣西沙河村爲魏連城妻范氏子婦王

氏孫婦衛氏建

貞節坊在縣西北野橋村爲劉亨吉之女建

貞節坊在縣西北野橋村爲監生孫錦妻趙氏建

貞節坊在縣西北野橋村爲郭實妻李氏建

貞節坊在縣西西牛村爲蕭守妻李氏建

貞節坊在縣東鄭村爲鄭學妻曹氏建

貞節坊在縣治東南爲孫法宗繼妻劉氏建

貞節坊在縣治東南爲孫興宗妻劉氏建

貞節坊在縣治東南爲胡燁妻周氏建

貞節坊在縣西西牛村爲蕭琰妻李氏建

貞節坊在縣東南胡村爲梁應龍妻楊氏建

貞節坊在縣南白龍村爲王焯妻李氏建

貞節坊在縣東關爲張珍妻胡氏建

貞節坊在縣東鄭村爲鄭安妻張氏建

貞節坊在縣西南張村爲牛長有妻李氏建

貞節坊在縣西牛村爲李讓妻陳氏建

貞節坊在縣西沙河村爲崔文燦妻李氏建

貞節坊在縣西沙河村爲王士倫妻石氏建

貞節坊在縣西沙河村爲王士休妻龔氏建

貞節坊在縣西沙河村爲李克儉妻李氏建

貞節坊在縣南午方村爲孫彩鳳妻李氏建

貞壽坊在縣南白龍村爲王以桂妻楊氏百歲建

貞節坊在縣東北劇村爲顏大章妻傅氏建

貞節坊在縣東北大河村爲張福徵妻劉氏建

貞節坊在西塹村爲師應魁妻李氏建

學校志

古者建國親民必立學校學校者儲養人材之地教化所由隆也茂草是鞠佻達與刺識者傷之良由俗吏寡文鮮與論道肉食多鄙率罕流韻耳夫鷺鹿有洞蘇湖有條芳規不乏爲有司者所宜隆師教敦士習先德行而後文藝相與鼓舞不倦不可徒爲粉飾文具已也故舉歷代尊崇之典而併詳其儀使知國家建學之至意

云

儒學舊在縣治東南創置無考洪武七年歸併雄
縣積久傾圮十四年復設縣治知縣唐益建於
縣治東北天順七年知縣林璟重修嘉靖十九
年知縣王懋元增修有記萬歷五年知縣張與
行重修有記萬歷三十年知縣蔣如萃重修

國朝順治十年署教諭柴應宸重修康熙十二年
訓導周映斗重修乾隆十九年教諭許式玉重修

大成殿五楹廟中偏東 先師像一碣正中南面
至聖先師孔子位四配位殿中左右向左 復聖顏

子 述聖子思子右 宗聖曾子 亞聖孟子

十二哲位東西墀下東 閔子損 冉子雍

端木子賜 仲子由 卜子商 有子若西

冉子耕 宰子予 冉子求 言子偃 顓孫

子師 朱子熹

按禮祀孔子自漢高始又漢魯相請置孔子廟
其後晉魏皆祀於國學而春秋釋典始於隋唐
武德初以周公爲先聖孔子爲先師貞觀二年
罷周公仍以孔子爲先聖四年詔州縣皆立孔
子廟高宗永徽中復如武德制旋以長孫無忌
等議仍如貞觀開元二十七年始正孔子南面

之位

舊以周公南
而孔子西而

追諡文宣王宋祥符五年加

至聖號冕十二旒服九章元大德十一年加封

大成至聖文宣王明成化 治間禮樂用天子

制嘉靖九年以張璁議易木主題曰至聖先師

去其王號及大成文宣之稱改殿爲廟並禮樂

皆有降殺

本朝順治二年定諡爲大成至聖文宣先師孔子

其廟中配位唐以前惟顏子貞觀二年議以左

邱明卜子夏二十二二人爲配至開元八年始以

顏子閔子冉伯牛仲弓宰我子貢冉有季路子

游子夏爲十哲曾子居十哲之次
十七年

顏子爲公閔子以下九人爲侯曾子以下七十

子爲伯宋真宗咸平二年晉十哲爲公會子以

下七十子爲侯左邱明以下二十一人爲伯卽

二十二入子神宗元豐六年封孟子爲公七年

配享大觀二年詔躋子思從祀咸淳元年以顏

曾思孟爲四配進顯孫子爲十哲元至順元年

以顏子爲兗國復聖公會子爲鄒國宗聖公子

思爲沂國述聖公孟子爲鄒國亞聖公國公皆

定加復明嘉靖九年四配稱聖十哲以下皆稱

聖等號

先賢左邱明以下皆稱先儒並罷公侯伯稱

本朝康熙五十四年升朱子入殿配享乾隆三年
升有子入殿東卜子之次移朱子於殿西顓孫
子之次

東廡五楹從祀凡六十二人

先賢

蘧子瑗

澹子明

原子憲

南子縉

商子瞿

漆子開

司馬子耕

梁子鯉

冉子儒

伯子虔

冉子季

漆子父

漆子哆

公西子赤

任子不

公良子儒

公肩子定 鄒子單 父子黑 榮子旂

左子人 鄭子國 原子亢 廉子潔

叔子會 公西子輿 邾子巽 陳子亢

琴子張 步叔子乘 秦子非 顏子噲

顏子何 縣子亶 雍正二年陞祀 樂正子克 雍正二年陞祀

萬子章 雍正二年陞祀 周子敦 程子顥

邵子雍

先儒

公羊氏高 伏氏勝 董氏仲舒 后氏蒼

杜氏春 諸葛氏亮 王氏通 范氏仲濟

歐陽氏修 楊氏時 羅氏從彦 李氏侗

呂氏祖謙 蔡氏沈 陳氏淳 魏氏翁了

王氏栢 趙氏復 許氏謙 吳氏澄

胡氏居仁 王氏守仁 羅氏欽順

西廡五楹 從祀凡六十一人

先賢

林子放 宓子不齊 冶子長公 哲子哀公

高子柴 樊子須 商子澤巫 馬子施

顏子辛 曹子卹公 孫子龍 秦子商

顏子高 壤子赤 石子蜀作公 夏子首

后子處

奚容子蒧

顏子祖

句子井

秦子祖

縣子成

公祖子茲

燕子伋

樂子欬

狄子黑

子茂子忠

夫子兄孟皮之子

公西子蒧

顏子之僕

施子之常

申子枏

左邱子明

秦子冉

牧子皮

雍正二年增祀

公都子

雍正二年陞祀

公孫子丑

雍正二年陞祀

張子載

程子頤

先儒

穀氏赤

高堂生

孔氏安

毛氏萇

鄭氏成

范氏甯

韓氏愈

胡氏瑗

司馬氏光 尹氏焯 胡氏安 張氏栻

陸氏淵九淵 黃氏幹 眞氏德秀德 陳氏謨雍正二年陞祀

何氏基 陳氏皓 金氏履履祥 許氏衡

薛氏瑄 陳氏獻章獻 蔡氏清 陸氏隴隴其

以上舊志所載悉仍原刻其自道光二年以後
節經遵

旨議准從祀者如先賢公明子儀從祀東廡公孫子

橋從祀西廡先儒唐陸氏贄從祀東廡宋韓氏

琦從祀東廡李氏綱文氏天祥從祀西廡明劉

氏宗周呂氏坤從祀西廡黃氏道周孫氏奇峰

本朝湯氏斌從祀東廡俱宜按照位次補入

廟門三楹

舊稱大成門嘉靖年改爲戟門以列戟故宋大祖建隆三年詔廟門立戟十六

枝大觀四年增

爲二十四枝

泮池

在櫺星門外嘉靖三十八年知縣張大經鑿修

櫺星門三楹

東西坊

左曰德配天地右曰道冠古今

崇聖祠三楹在聖廟東中祀

肇聖王木金父公

裕聖王祈父公

詔聖王防叔公

昌聖王伯夏公

啟聖王叔梁公

先賢左顏氏無繇孔氏鯉右曾氏黯孟孫
氏激東從祀周氏輔成程氏珦蔡氏元定西從
祀張氏廸朱氏松

按宋真宗咸平三年幸曲阜登叔梁氏堂誥封
爲齊國公元晉封啟聖王明嘉靖九年立啟聖
祠題主曰啟聖公顏曾思孟父爲配俱稱先賢
某氏以程珦朱松蔡元定從祀如兩廡萬曆二

十三年以周輔成從祀雍正九年加封孔氏五代爲王更名崇聖祠以張廸從祀

以上亦仍舊志原刻按咸豐七年遵

旨議准以先賢孟皮配享

崇聖祠位在顏無繇之上亦宜補入

明倫堂五楹在大成殿後

名宦祠三楹在戟門左

鄉賢祠三楹在戟門右

教諭宅一所在明倫堂西

訓導宅一所在明倫堂西

射圃亭在城內東北角正廳三楹今廢

祭器

鐘

百二十二

豆

百二十二

簋三十

簋三十

劍十八

登

樽八

白磁爵三十六

銅爵百五十

帛筐二十四

牲俎二十九

樂器

編鐘十六

編磬十六

琴二

瑟一

笙二

笛二

簫二

埙一

箎一

排簫一

敔一

祝一

木笏六

麾一

節二

羽三十六

樂章

春祭夾鐘爲宮倍應鐘起調秋祭南呂爲宮仲

呂起調

迎神樂奏昭平之章

大哉孔子

先覺先知

與天地參

萬世之師

祥徵麟紱

韻答金絲

日月既揭

乾坤清夷

初獻樂奏宣平之章

有舞

予懷明德

玉振金聲

生民未有

展也大成

俎豆千古

春秋上下

亞獻樂奏秩平之章

有舞

式禮莫愆

升堂再獻

響協鼓鏞

誠孚壘廟

肅肅雍雍

舉髦斯彥

禮陶樂淑

相觀而善

終獻樂奏叙平之章

有舞

自古在昔

先民有作

皮弁祭菜

於倫思樂

惟天牖民

惟聖時若

彛倫攸叙

至今木鐸

微饌樂奏懿平之章

無舞

先師有言

祭則受福

四海鬻宮

疇敢不肅

禮成告徹

毋疏毋瀆

樂所自生

中原有菽

送神樂奏德平之章

望燎同

鳧釋峩峩

洙泗洋洋

景行行止

流澤無疆

聿昭祀事

祀事孔明

化我蒸民

育我膠庠

佾舞乾隆六年飭定佾舞生名數樂用二十二二人
又執麾一人持節一人歌章四人外備更替四
人舞生三十六人外備四人凡七十二人

儀注

先期齋戒三日前一夕各與祭官入廟於階下
行一跪三叩禮教官滌器視牲瘞毛血祭之日
四鼓教官率各執事人陳設祭器祭品牲俎於
各

神位前工歌陳篋簾琴瑟鐘鼓祝嘏五鼓各官朝

服執事俱公服序立禮生導承祭官盥洗至臺

階下立

典儀

樂舞生各就位執事者各執其事

贊承祭官就位分獻官就位倍祭官各就位班

齊瘞毛血迎神

司樂

舉迎神樂奏昭平之章

贊

唱跪承祭官以下皆跪三跪九叩首

贊

興樂止

典儀

行初獻禮

司樂

舉初獻樂奏宣平之章

贊

詣盥洗所濯水進巾詣醴尊所司尊者舉冪酌

醴執帛者捧帛執爵者捧爵

引主祭官自東階上殿進左門贊

讀

至聖先師孔子神位前跪獻帛獻爵叩首興詣讀祝

位跪

典儀

分獻陪祭各官皆跪樂止

贊

讀祝文

讀畢仍安原位樂作

贊

叩首興

承祭官以下皆同

贊請

復聖顏子神位前跪獻帛獻爵叩首興次 曾子

次 子思次 孟子皆如前儀其十二哲兩廡

分獻官於讀祝後

典儀

行分獻禮獻禮畢

贊復

位樂止

典儀

行亞獻禮

司樂

舉亞獻樂奏秩平

之章亞獻禮畢

贊

復位樂止

典儀

行終獻禮

司樂

唱 舉終獻樂奏叙平之章儀皆如初終獻禮畢

贊

復位樂止

典儀

飲福受胙

贊

詣飲福位跪飲

福醴受福胙叩首興復位

典儀

謝胙跪

承祭官以下皆

跪一跪三叩首

贊

興徹饌

司樂唱

舉徹饌樂奏懿

平之章徹畢樂止

典儀唱

送神

司樂唱

舉送神樂奏

德平之章

典儀唱

跪

承祭官以下皆跪

三跪九叩首興

典儀

唱讀祝者捧祝司帛者捧帛司饌者舉饌各詣

瘞所

典儀唱

望瘞承祭官率分獻陪祭各官面瘞

次立

典儀唱

焚祝帛瘞饌豆復位樂止禮畢

維年月日致祭於

至聖先師孔子曰惟師德隆于聖道冠百王揭日月

以常行自生民所未有屬文教昌明之會正禮

和樂節之時辟雍鐘鼓咸恪薦於馨香泮水膠

庠益致嚴於籩豆茲當仲春祗率彛章肅展微

忱聿將祀典以復聖顏子宗聖曾子述

聖子思子亞聖孟子配尚饗

崇聖祠祝文

禮行兩跪六叩儀
與正殿同無樂

維年月日致祭於

肇聖王 裕聖王 詒聖王 昌聖王 啓聖王

曰惟王奕葉鍾祥光開聖緒盛德貽後積久彌

昌凡聲教所覃敷率循源而溯本宜肅明禋之

典用申守土之忱茲屆仲春敬修祀事以先

賢顏氏 先賢曾氏 先賢孔氏 先賢孟孫

氏配尚饗

關帝祝文 禮行三跪九叩儀
與文廟同無樂

維年月日致祭於

中心義神武關聖大帝曰惟帝浩氣凌霄丹心貫日扶
正統而彰信義威震九州完大節以篤忠貞名

高三國神明如在福祿宇於寰宇靈應
馨香於歷代屢徵異績顯佑羣生恭遇嘉辰遵
行祀典筵陳籩豆几奠牲醪尚饗

關帝三代祝文

儀與崇聖祠同

維年月日致祭於

光昭公 裕昌公 成忠公曰惟公世澤貽庥靈

源積慶德能昌後篤生神武之英善則歸親宜
享尊崇之報列上公之封爵錫命優隆合三世
以肇禋典章明備恭陟吉日祇事薦馨尚饗

社稷壇祝文

禮行三跪九叩無樂

客城縣志 卷三
三
維年月日致祭於

社稷之神曰惟神奠安九土粒食萬邦分五色以

表封圻育三農而蕃稼穡忝承守土肅展明禋

時屆仲

春秋

敬修祀典庶九九松柏鞏盤石於無

疆翼翼黍苗佐神倉於不匱尚饗

風雲諸壇祝文

儀與社稷同

維年月日致祭於

風雲雷雨山川城隍之神曰惟神贊勳天澤福佑

蒼黎佐靈化以流形生成永賴乘氣機而鼓盪

淵肅攸宜磅礴高深長保安貞之吉憑依鞏固

實資捍禦之功幸民裕之殷盈仰神明之庇護
恭修歲祀正值良辰敬潔籩豆祇陳牲幣尚饗

先農壇祝文

儀與社稷同

維年月日致祭於

先農之神曰惟神肇興稼穡粒我蒸民頌思文之
德克配彼天念率育之功陳常時夏茲當東作

咸服先疇洪惟 九五之尊歲舉 三推之典

恭膺守土敢忘勞民謹奉彛章聿修祀事惟願
五風十雨嘉祥恒沐於神庥九穗雙岐上瑞頻
書於大有尚饗

雩祭祝文

儀與社稷同

維年月日致祭於

社稷先農山川之神曰恭膺

詔命撫育羣黎仰

體

形延保赤之誠勤農勸稼俯惟蒞屋資生

之本力穡服田令甲爰頒肅舉祈年之典惟寅

將事用申守土之忱黍稷惟馨尚冀明昭之愛

賜來牟率育庶俾農裕於蓋藏尚饗

八蜡神祝文

禮行兩跪六叩

維年月日致祭於

八蜡之神曰伊耆始蜡義取報功先嗇司嗇遂及

我農繫郵表噉坊與水庸貓虎咸列害除昆虫
惟年順成八蜡乃通神其歆格錫我屢豐尚饗

劉猛將軍祝文

與祭八蜡同

維年月日致祭於

勅封天曹司揚威侯劉猛將軍之神曰惟神英鍾往
代靈赫 聖朝驅除蝗孽掃蕩虫妖螟蟥不作
蝨賊潛消勦我農事保我禾苗民以豐裕盛德
斯昭敬陳牲帛來格是邀尚饗

城隍祝文

禮行兩跪六叩

維年月日致祭於

城隍之神曰惟神德懋聰明功隆捍禦壯金湯於
千載崇墉表畿甸之規節風雨於四時和會佐
歲功之叙禍淫福善顯呈有赫之靈威阜物康
民默相無私之化育 神庥丕應祀典宜昭敬
鍊日時肅陳牲帛馨香惟德鑒格在茲尚饗

厲壇祝文 與祭城隍同

維年月日致祭於

城隍之神暨闔境無祀鬼神等衆曰幽明異路守
土維均命折殊名求食罔異惟聰明正直有以
作之鑒觀庶蒸蒿悽愴無不極其情狀爰遵定

制聿舉明禋凡斯無祀之魂俱屬有生之類爲
男爲女姓莫紀於宮商是故是新代何稽於子
丑號風嘯雨斷子姓而疇依附草棲烟絕姻親
其何託謹設壇於城北仰主祭於

尊神惟茲

中元
禁烟
禁衣

之節敬備牲醴肅具飯羹統一境

之幽魂索羣靈而大享鬼言歸也庶幾望壇境
以知歸神之格思尚其鑿馨香而來格尚饗

忠義孝弟祠祝文

禮行一跪三叩

維年月日致祭於

忠義孝弟之靈曰惟靈秉賦貞純躬行篤實忠誠

奮發貫金石而不渝義問宣昭表鄉閭而共式
祇事懋彝倫之大性摯莪蒿克恭念天顯之親
情殷棣萼模楷咸推夫懿德綸恩特闡其幽光
祠宇維隆歲時式祀用陳尊簋來格几筵尚饗

節孝祠祝文

禮與忠義祠同

維年月日致祭於

節孝之靈曰惟靈純心皎潔令德柔嘉矢志完貞
全閨中之亮節竭誠致敬彰閭內之芳型茹冰
蘖而彌堅清操自勵奉盤匱而匪懈篤孝傳徽
絲綸特沛乎殊恩祠宇垂昭於令典祇循歲祀

式薦尊醪尚饗

龍王祝文

禮行三跪九叩與社稷同儀

維年月日致祭於

龍王之神曰惟神德洋寰海澤潤蒼生允襄水土
之平經流順軌廣濟泉源之用膏雨及時續奏
安瀾占大川之利涉功資育物欣庶類之蕃昌
仰借神庥宜隆報享謹遵祀典恪按良辰敬布
几筵肅陳牲幣尚饗

聖諭廣訓

大清律例

樂善堂全集

學政全書

日講四書

科場條例

字典

畿輔通志

周易折衷

書經傳說

詩經傳說

春秋傳說

三禮義疏

通鑑綱目

性理精義

明史

三賢集

志樂

理學宗傳

書院

社學在縣治南後移縣治西南街北今廢

正義書院原名正學書院後改今名在大街路北
縣治東察院西正廳五楹顏曰敬一堂東廂爲
經義齋西廂爲治事齋前後共三十一楹興學
會約列款十二一辨學二立志三明性四正心
五謹獨六躬行七篤倫八改過九虛受十讀經
十一持久十二申約知縣趙士麟建有記並約
載藝文今存正廳三楹中奉文昌帝君像東
西兩齋餘俱傾圮無存

書院地六十四畝四十八畝坐落縣東五里十六畝坐落縣北王家莊村民耕種免差役歲延掌教收其籽粒

義學在沙河村太學生李喆捐設置田五十畝以爲膏火資

以上舊志

正義書院舊志載地畝若干以爲延師之用咸豐

六年邑侯張公捐俸錢五十吊邑人陳開基捐

錢一百吊李雲桂捐錢一百吊發商生息爲書

院敬惜子紙之費又三賢集板存正義書院道

光十六年重鑄

東四莊義學觀音寺僧人廣林捐地五十九畝爲
延師膏火之資邑侯章有碑誌

東四莊義學朱萬盛及其子明先後捐地五十六
畝設立邑侯何有碑誌

鄉飲酒禮

歲以正月十五日十月初一日行禮於儒學先
謀賓首大賓以耆德致仕官爲之次侯賓以鄉
耆有德者爲之次介賓耆德之次者次三賓又
其次者年皆六十以上知縣爲主人司正以教
官爲之養禮以生員前一日執事於明倫堂陳
設坐次大賓位西北面東南侯賓位東北面西
南介賓位西南面東北主人位東南面西北三
賓在大賓位西面東僚屬序爵在侯賓位東面
西司正在主席東面北司正率執事者習禮至

日昧爽執事者宰牲具饌主人及僚屬司正先詣學遣人速賓賓至執事入告主人率僚屬出迎於庠門之外揖以入主居東賓居西三揖三讓而後升堂東西相向立贊兩拜皆坐執事唱司正揚觶執事引司正由西階至堂中北向立執事唱賓俛以下皆立唱揖司正揖賓俛以下皆揖執事以觶酌酒授司正司正舉酒曰恭惟朝廷率由舊章敦崇禮教舉行鄉飲非爲飲食凡我長幼各相勸勉爲臣盡忠爲子盡孝長幼有序兄友弟恭內睦宗族外和鄉里無或廢墜以

忝所生讀畢執事唱司正飲酒飲畢以觸授執

事執事唱揖司正揖賓僎以下皆揖司正復位

賓僎以下皆坐唱讀律令執事設律令案於堂

之中引讀律令者詣案前北面立

讀律令以贊禮爲之其律

條舉悖六行及土俗之多犯者

賓僎以下皆立行揖禮如前讀

畢復位執事唱設饌案以次設訖執事唱獻賓

王起北面立執事酌酒以授王王受爵詣賓前

置於席稍退贊兩拜賓答拜獻饌介如前儀

既畢復位執事唱賓酬賓起僎介從執事酌酒

授賓賓受爵詣王前置於席稍退贊兩拜賓王

交拜訖各就位執事唱飲酒或三行或五行供湯供饌三品畢執事唱徹饌徹訖唱賓主以下皆行禮主人僚屬居東賓僎介居西贊兩拜訖執事唱送賓以次下堂分東西行仍三揖出庠門而退

容城縣志卷之四

食貨志

粵稽禹貢咸則三壤成賦中邦洪範八政食貨
爲先是誠不可緩者故首之戶口以植其本次
之田畝以開其源賦稅以充乎公之入差役以
給乎用之宜武備所以戒不虞也物產所以辨
方物也審乎此則君可饒民可裕禮樂可興而
政無不舉矣

戶口

原八百七戶順治年間開除逃亡故絕投充實

在七百三十二戶康熙十年編審增三戶實在
七百三十五戶歷年生聚乾隆二十六年清查
牌甲編造烟戶冊實在一萬二千二百九十戶
人丁

原額上中下九則折就下人丁一萬二千五
百八十五丁順治年間編審除豁逃亡故絕實
在人丁八千九百二十二丁歷年加添滋生丁
至康熙五十五年編審原丁並加增實在九千
一百六十二丁每丁徵銀一錢共徵銀九百一

十六兩二錢奉

河正永不加賦雍正二年均攤入地糧銀內徵收

田賦

原額民地二千二百六十二頃七十一畝八分
九釐零除圈估外實在存剩民地七百七十四
頃五十畝三分零每畝徵正供銀一分二釐四
毫零又徵雜辦銀一分八釐六毫零又加徵津
旅兵餉胖衣芝棉鄉場物料銀一釐一毫零每
畝實徵銀三分二釐二毫零共徵銀二千四百
九十四兩七錢六分九釐零每兩均攤丁匠銀
二錢七釐零共攤丁匠銀五百一十六兩四錢

八分四釐零共徵銀三千一十兩三錢三分零
遇閏每畝加徵銀三釐六毫零每兩徵丁閏銀
七釐九毫零共加徵銀三百二十五兩三錢六
分零額外每兩徵耗羨銀一錢四分共徵耗羨
銀四百二十一兩四錢四分六釐零遇閏加徵
耗羨銀四十五兩五錢七分八釐零

支解

修理

龍亭銀五錢

文廟銀十兩

文廟崇聖名宦鄉賢春秋二大祭銀四十兩

關帝廟春夏秋三大祭銀四十兩

社稷山川風雲雷雨城隍八蜡馬神等神春秋二大

祭銀三十兩

三小祭無祀鬼神銀十兩

時憲書銀三兩

鄉飲酒禮銀十兩

朔望行香紙燭銀一兩

本府驛遞工科每季解銀二百七十兩九錢四分

零其解銀一千八十三兩七錢六分零週閏月

加銀九十兩二錢三分零

本府步快捌名每名工食銀六兩共解銀四十八兩遇閏月加解銀四兩

本縣知縣俸薪銀四十五兩

門子二名每名工食銀六兩共銀十二兩遇閏月加銀一兩

皂隸十四名每名工食銀六兩共銀八十四兩遇閏月加銀七兩

馬快八名每名工食銀六兩喂馬銀十兩共銀

一百三十四兩四錢遇閏月加銀十一兩二錢

民壯四十五名每名工食銀六兩共銀二百七十兩遇閏月加銀二十二兩五錢雍正年撥給宛平縣四名工食銀二十四兩遇閏月加銀二兩涿州吏目四名工食銀二十四兩遇閏月加銀二兩武清縣縣丞四名工食銀二十四兩遇閏月加銀二兩薊州州判三名工食銀十八兩遇閏月加銀一兩五錢本縣現在民壯三十名工食銀一百八十兩遇閏月加銀十五兩禁卒八名每名工食銀六兩共銀四十八兩遇閏月加銀四兩

卷之四
四
伴傭二名每名工食銀六兩共銀十二兩遇閏
月加銀一兩

轎傘扇夫七名每名工食銀六兩共銀四十二
兩遇閏月加銀三兩五錢

庫子四名每名工食銀六兩共銀二十四兩遇
閏月加銀二兩

斗級四名每名工食銀六兩共銀二十四兩遇
閏月加銀二兩

農夫二名每名工食銀六兩共銀十二兩遇閏

典史俸薪銀三十一兩五錢二分

門子一名工食銀六兩遇閏月加銀五錢

皂隸四名每名工食銀六兩共銀二十四兩遇

閏月加銀二兩

馬夫一名工食銀六兩遇閏月加銀五錢

教諭俸薪銀四十兩

訓導俸薪銀四十兩

齋夫六名每名工食銀六兩共銀三十六兩遇

閏月加銀三兩

門斗二名每名工食銀七兩二錢共銀十四兩

四錢遇閏月加銀一兩二錢

廩生二十名月糧六十四兩遇閏月加銀五兩三錢三分零膳夫二名工食銀十三兩三錢三分零遇閏月加銀一兩一錢一分零

騰錄書手銀八兩五錢七分零

舖司十名每名工食銀六兩共銀六十兩遇閏月加銀五兩

吹手四名每名工食銀六兩共銀二十四兩遇閏月加銀二兩

更夫五名每名工食銀四兩八錢共銀二十四

兩遇閏月加銀二兩

火夫十名每名工食銀四兩八錢共銀四十八兩遇閏月加銀四兩

孤貧六十四名口糧銀二百三十四兩四錢遇閏月加銀十九兩二錢冬衣布花銀十七兩八錢一分四釐零

遞馬八匹工科銀九十八兩二錢八分遇閏月加銀八兩一錢八分二釐

二年一辦

貢生花紅旗扁銀二兩五錢

三年一辦

會試舉人盤費銀十五兩每年該銀五兩

新中舉人每名牌坊銀八十兩每年該銀二十六兩六錢六分零

新中進士每名牌坊銀一百兩每年該銀三十三兩三錢三分零

新中武舉每名花紅旗扁銀十兩每年該銀三兩三錢三分零

新中武進士每名花紅旗扁銀二十兩每年該銀

六兩六錢六分零

以上存留支解共銀二千八百四十七兩四錢
八分五釐零遇閏月加支解銀一百九十五兩
四錢五分六釐零餘解 藩庫

額外旗租

雍和宮香燈地二頃七十四畝八釐每畝徵銀不等
共徵租銀二十八兩

公產地五頃四十一畝六分五釐每畝徵銀不
等共徵租銀一百三十七兩八錢七分七釐零
存退餘絕地六十四頃一十三畝二分三釐零
毫零每畝徵銀不等共徵租銀六百二十七兩

九錢零

回贖戶下典買旗地三十二頃八十七畝八分
每畝徵銀不等共徵租銀八百三十四兩六錢
四分九釐零

回贖民典買旗地八十七頃二十八畝零每畝
徵銀不等共徵租銀二千五百五十九兩九錢
六分零

稅課

當舖 每店一座稅銀五兩

地稅 赴河溝領契尾每銀一兩稅銀三錢

牙課稅 共十五名

牛驢雜稅

以上各稅數無定額儘收儘解

倉穀

常平倉額設穀一萬石

社倉穀無定額

義倉穀無定額任人捐助

鹽引

原設額引三千五百引又分認京引一百六十

引

武備

經制外委把總一員

雍正五年增設

馬兵二名步兵十二名

墩舖三座

容城汎墩

王祥舖墩

新蓋房墩

俱在白溝店南屬雄縣汎

營房

在城隍廟前

遞送公文管房

在瞭馬臺

物產

蔬食類

粟卽今之穀也有黃白二色種類甚多脫殼則謂小米北人日用不可缺者

黍說文云禾屬而粘可爲酒有丹白黑三色

稷亦曰糜徐鉉曰楚人謂之稷關中謂之糜陝西通志曰苗穗似蘆而米可食其米猶黍米但不粘耳

麥有小麥大麥二種小麥秋種夏收具四時之氣晝花薄皮多麩食之宜人陳者更良又有春

種者曰春麥大麥仁可作飯生芽可作餚

秫紅白二種俗呼高糧其米可食味平無毒北方下濕之地尤宜此

蕎麥一作苳廣羣芳譜北人作餅餌日用以供常食農人以爲禦冬之具

豆爾雅曰茂菽其種不一大小各色不下十數種

棉花有白紫二色上高地種者最多

白菜一名菘廣羣芳譜北方多入窖內不見風

曰菘葉皆嫩黃色脆美無滓謂之黃芽

芥一名辣菜可隨用東坡詩云蒿菘有兒芥有
孫

葱味辛苗叢而節

菲葉如馬連而小春芽香脆土雜北京師有菲
黃蓋地窖火坑中所成

蘿蔔廣羣芳譜一名萊菔狀有長圓一類根有
紅白二色可生可熟可醃可鹽又有苣蘿葡水
蘿蔔

蒿俗呼蒿苣邊齊開覽云出倭國有紫白二

色

芫荽 一名胡荽切切香甘云鷲不食草

葶藶其葉如艾香脆可食東坡詩云首眼應誇
美如牙不瘞

鼓菜 名赤根菜東坡詩云北方苦寒今未已
雪底蒞粒如鐵甲

芹菜有園芹野芹水芹又名水英村子菜云香
片碧潤美

碧蓮 名葦葉葉厚而光滑飲膳正要云碧蓮
根圓狀絕類茄蓮今京夏有茄蓮

葦葉格物論云莧有數種有馬齒莧紅莧白莧

詢莠錄北人呼苻乃莧音談也

瓠味甘而形長一名匏瓜形圓者謂之葫蘆

瓜有西瓜南瓜梢瓜王瓜絲瓜甜瓜冬瓜數種
獨西瓜味極佳文文山西瓜吟云拔出金佩刀
切破蒼玉瓶千點紅櫻桃一團黃水晶

蒜味辛能消油膩解諸肉毒五月五日出土獨
瓣者能治諸瘡

花菓類

桃唐明皇爲鋪恨花實有緋碧白三色杜詩云

鸚鵡啄金桃

杏葉似梅而微紅東坡詩云零露滋丹葉濕風
散晴葩實有丹銀二種

李花如積雪其實青脆者佳客燕雜記李有五
紫李綠李黃李麝香李盤山李韓詩云冰盤夏
薦碧實脆

梨有數種而香水秋白更佳辛寅遜詩云嚼處
春冰歎齒冷嘖時雪液沃心寒

柰有數種卽俗呼蘋婆沙菓甜菓是也潘岳賦
曰二柰耀丹白之色蜀都賦曰素柰裏成

詩云庭前八月梨棗熟一日上樹能千迴

葡萄馬乳者多亦有玉葡萄味極佳魏都賦曰
葡萄結蔭

石榴潘岳賦云千房同模十子如一江總詩云
庭榴剖朱實

菱說文云菱陵也韓詩云菱翻紫角利

芡周禮注云芡雞頭一名鴈頭內有米圓白如
珠八月間可採以爲食

蓮實說文云蓮荷實也藕荷根也爾雅云其實
蓮其根藕

菊一名日精種類甚繁

牡丹花譜云唐人謂之木芍藥北方地寒不甚
相宜冬必覆蓋

芍藥上林賦注云根王和五臟辟毒氣

薔薇俗呼佛見笑十弟兄者是米慶孫詩云四
面垂條密浮陰入夏清綠攢傷手刺紅墜斷腸
英

萱花說文云忘憂草也梅聖俞云人心與草不
相同安有樹萱憂自釋若能憂及此能忘乃是

人心爲物易

雞冠有紅黃白紫數種矮者名壽星雞冠山谷
詩云紫冠黃鈿網絲窠

葵花名不一有冬葵戎葵菟葵向日葵黃葵錦
葵蜀葵諸種

石竹叢生俗名剪春羅太白詩云石竹繡羅衣
玉簪質素而香古詩云玉簪墮地無人拾化作
東南第一花

荷花廣雅云荷芙蓉江東呼荷葉爲芙蓉爾雅
云其莖茄其葉荷其本秀其花菡萏爾雅注云
北方人以藕爲荷亦以蓮爲荷

馬蘭生道旁似蘭而大色藍無香離騷云蘭芷變而不芳荃蕙化而爲茅

菖蒲一名菖歎風俗通曰菖蒲放花人食之千年

萍說文云無根浮水而生郭璞注云江東人謂之萍爾雅云萍之大者曰蘋

木類

松左傳云培塿無松栢容無山故此木少

栢文選云青青陵上栢容城栢樹惟廟寺墳墓

中有近亦有植於家園者

槐管子云沃土其木宜槐魏都賦云槐以蔭途
桑毛詩云蠶月宜桑術云桑木箕星之精王介
甫詩幽燕桑葉暗川原幽薊古多樹桑今則絕
少矣

榆管子云五沃之土其榆條長春秋元命苞曰
三月榆錢落又白榆名枌河間府志云白枌皮
可充饑其錢甚美葉亦可食漢龔遂治勃海令
民口種十樹備饑

柳管子云五沃之土宜柳荊州記云緣城堤邊
悉植細柳綠條散風清蔭交栢

檜一名栝爾雅云栝葉松身曰檜

禽類

雞春秋題辭云雞爲積陽火德之精故陽出雞鳴以類感也白樂天詩云黃雞催曉丑時鳴

鴈爾雅云北方有鴈似鴻而小色白秋深乃來來則霜降儀禮云婚禮用鴈

鷺一名野鴈古今注云鷺善鬪好啖蛇

鳴一名舒鳧李巡云家曰鳧野曰鳴今之家鴨乃鳧也詩曰曲池眠浮鴨

獸類

馬格物論云馬武獸

騾崔豹古今注云騾驢父馬母

驢說文云驢長耳也

牛說文云牯特牛父也犢牛子也曲禮曰牛曰元武

羊古今注云一名髯鬚主簿曲禮曰羊曰柔毛豕爾雅曰豕豬也古今注曰一名長喙將軍

犬爾雅曰犬狗也魏賈曰敬主識主晝則無穿窬之客夜則無姦淫之盜

貓酉陽雜俎云貓目睛圓及午豎斂如線其鼻

尖常冷惟夏至一日暖

水族類

容無水澤巨馬白溝等
河產有數種然亦甚少

鯉魚陶隱君云鯉爲魚王其鱗三十有六

魴魚詩注云身廣而薄少力細鱗

鯽魚本草云稷米所化能健脾

鮎魚爾雅云鰕鮎三月以後出海

鮓鮓黃類似鮎而小背黃而腹白

鱮魚又呼爲黑魚身圓而紋黑

鱒魚眼赤頭小而身長

鯨西陽雜俎云鯨腹下有王字者不可食

集市

在城 一三六八

白溝河 三五八十

小李 四九

張市 四九

容城縣志卷之五

秩官志

天下重器不可以一人理設官分職其來舊矣
故首官制昭定員也次官籍紀鄉曲也次官宦
旌賢能也嗚呼受苦職不怠若事貽芬月旦靡
忝先哲蒞斯土者尙其勉諸

官制

知縣一員

縣丞一員

裁

教諭一員

訓導一員

典史一員

外委一員

雍正五年設

醫學訓科

一員

陰陽訓術

一員

貢生

二年一貢

廩膳生員

二十名

增廣生員

二十名

附學生員

每考入學

十五名

武生

每考入學十二名

司吏

缺

官籍

知縣

金

雷 忠

渾源人詳見名宦

元

奧 屯

女真人詳見名宦

賈 葵

房山人詳見名宦

明

唐益

洪武十四年任

林景

福建人天順七年任

邵奎

遼東廣寧衛進士成化三年任

何宗

山東膠州舉人成化七年任

華崱

山東德州舉人成化十年任

李漢

山東舉人成化十五年任

孟理

山東兗州舉人 治八年任

謝璽

山西代州進士 治十二年任詳見名

鄭原

河南鄴州舉人 治十四年任

劉思明

山東嘉祥舉人正德三年任

呂錫

江西奉新舉人正德五年任

劉相

山東壽張監生正德九年任詳見名宦

張績

陝西同州舉人正德十二年任歲荒施粥恬人甚衆

畢張

河南裕州進士嘉靖三年任行人謫縣陞苑馬寺丞

袁文光

河南舉人嘉靖四年任

蹇賢

陝西涇陽舉人嘉靖七年任

祁鯨

河南汲縣監生嘉靖八年任詳見名宦

王元傅

廬州英山監生嘉靖十二年在

王懋元

遼東舉人嘉靖十七年任

李廷祿

山西臨晉監生嘉靖二十二年任

張鳴鶴

四川宜賓監生嘉靖二十七年任

吳可立

浙江監生嘉靖二十九年任

陳治

陝西藍田舉人嘉靖三十一年任

李進忠

山東滕縣舉人嘉靖三十六年任

蔣棫

陝西全州舉人嘉靖三十四年任清廉公恕

張大經

陝西朝邑舉人嘉靖三十八年任

楊乾貞

福建南安監生嘉靖四十四年任

黃天衢

河南內鄉監生清慎寬平時稱循吏

張國賢

江西太和舉人隆慶元年任

章思善

江西太和舉人隆慶元年任

李綦春

山西永和歲貢隆慶三年任識敏才通文學兼優始修縣志

何天德

廣西宣化舉人隆慶四年任陞廣平府同知

王德新

山東寧海恩貢萬歷二年任

苗如耘

山西朔州歲貢萬歷三年任

張與行

山西絳州舉人萬歷五年任陞滄州牧詳見名宦

劉羽國

河南唐縣進士萬歷十一年任詳見名宦

周有人

陝西鳳翔監生萬歷十二年任

江左彥

山東金縣監生萬歷十四年任

方義壯

江西進賢舉人萬歷十五年任

蕭迎

湖廣沔陽州監生萬歷十七年任

張席璿

山西保德州監生萬歷十九年任調威遠縣

孟熊

山東膠州舉人萬歷二十一年任

黨天爵

山東德平舉人萬歷二十六年任

薛應祥

河南孟縣監生萬歷二十七年任

蔣如萃

山東益都恩貢萬歷二十年任縣志至公再修他若修文廟靜修忠愍二

祠城隍廟規模悉閱敵焉

袁夢庚

山東舉人萬歷二十八年任

毛延齡

山東棗嶺

徐廷松

山東掖縣舉人萬歷三十年任詳見名宦

徐元薦

山東海豐人萬歷四十七年任邑人有黑徐白徐之稱黑徐謂廷松公也

張元義

山東選貢

郭宗憲

山西舉人

朱純

山東長清進士端介方嚴人不敢干以私文學政事咸爲時所推重與宋公有介祠

宋之儁

山西靈石進士詳見名宦

王文清

山東進士詳見名宦

賈元勳

四川巴縣進士

潘嗣袞

淮安貢生

曹鑑

河南輝縣選貢

張承業

山西貢生有修滅功

聶廣緒

江南五河選貢崇九年任陞同知詳見名宦

胡廷佐

陝西平涼恩貢崇
主事

十三年任陞刑部

國朝

白粹忠

山西天城衛歲貢順治元年任

江起元

山東曹縣進士順治三年任詳見名宦

王 廕

遼東蓋州貢生順治四年任

宋興義

遼東遼陽貢生順治六年任開爽有幹
局寇襲破城公出身懼之曰城皆良民

汝等欲殺良民非先殺令
不可寇兵氣奪民賴以全

劉成龍

滿洲貢生順治六年任

靳台彥

河南盧氏歲貢順治十年任初多惠政
惜以憂去

施化遠

江南上元舉人順治十二年任布衣蔬
食無異寒素潔已愛民率多餘餉

霍光祥

遼東鐵嶺衛歲貢順治十五年任

陳士性

浙江會稽恩貢康熙三年任望山西解州知州

趙士麟

雲南河陽進士康熙八年任歷陞浙江巡撫詳見各宦

馮俞昌

古鄆拔貢康熙十四年任惠愛百姓捐建義館

孟長安

河南洛陽舉人康熙十八年任

林 垓

康熙二十七年任

張 濤

山西進士康熙二十九年任

張光祖

滿洲舉人康熙四十二年任

張 煥

滿城縣署容城事康熙四十八年任

陳守創

高陽縣署容城事康熙四十九年任

王一元

山東進士康熙四十九年任

郁士選

江南宜興舉人康熙五十六年任捐俸課士恤民疾若病施方藥死給棺木

陳圖

安州署容城事康熙六十年任

周松

福建舉人康熙六十一年任

林廷璧

福建舉人雍正四年任公明廉恕裁革維派調任新安縣

李鍾俾

福建安溪進士雍正六年任

王之麟

河南祥符進士雍正十三年任課士愛民人至今稱之

王天慶

福建晉江縣例監乾隆十年署任

程懋

山西祁縣舉人乾隆十年任三賢祠俱置祀田

孫聯捷

陝西富平舉人乾隆十四年任恤士愛民後陞滄州知州

吳山鳳

湖北漢陽例監乾隆十五年署任後調繁河間縣

劉師健

貴州清平優生乾隆十五年任愛民課士廉明無私

蔣元縉

保定府水利鹽捕分府攝容城縣事乾隆十九年著任廉潔公正民多感德

郭成峻

甘肅岷州進士乾隆十九年任

任維紀

山西汾陽舉人乾隆二十四年署任

王克淳

山東黃縣舉人乾隆二十四年任公明正直沒於任所

狄咏宜

江蘇甲戌進士乾隆二十九年署任

薛田玉

乾隆甲戌科進士江南江甯縣人乾隆年間任學文優長栽培士民政聲戴道

著有問淡軒

文集行世

董書

龔謙

崔作謨

劉自謙

章德浦

江西縣監生嘉慶十一年任
潔已愛民長皆德之

呂祥齡

河南祥符縣已進士
嘉慶十五年任

楊傳榮

江蘇陽湖縣舉人嘉慶二十
一年任有崇學育才匾額

成誠

浙江仁和縣舉人
嘉慶二十三年署

何維綺

署

何志清

湖北桃源縣舉人嘉慶二十三年
任在任十餘年性介守正

陳稼生

江蘇寶山縣舉人道光十三年任
勤敏嚴厲強豪聞風斂迹

張懷淮

四川漢州舉人
道光十三年任

邊清藜

進士

晉人驥

山西趙城縣監生
道光

年任

錫齡

滿洲正黃旗監生
道光十七年任

喻元升

雲南南寧縣舉人
道光十八年任
愷憐嚴明案無留牘在任二年
剗弊杜奸豪

猶歛跡所謂古
之遺愛其庶幾焉

姜士冠

江蘇六合縣舉人
道光十九年任

杜廷楷

四川鹽亭縣進士
道光二十一年署

梁綬祖

湖南零陵縣監生
道光二十一年任
欲培士風興復書院未就而去

恩

符

內務府正白旗監生
道光二十三年署

黃顯周

江西南豐縣舉人
道光二十四年任

易炳晃

江西分宜縣進士
道光二十六年署直而爲民不阿權貴

邱贊

廣東嘉應州舉人

文

麟 盛京舉人
道光二十六年任

李重華

山西武鄉縣進士
道光二十九年署

楊景彬

貴州鎮遠縣監生
道光二十九年任起家軍功在容五年團練陞任

郭四維

陝西三水縣舉人
咸豐四年任

張熙麟

江蘇江甯縣舉人
咸豐五年任倡建希賢公會敬惜字紙崇儒重道捨藥餌

衣棺木歿後從祀

靜修祠

詹作周

浙江秀水縣人由國子監供事選定州吏目咸豐六年調署欲興風教捐俸倡

修縣志

裴福德

山西永濟縣監生咸豐七年任

縣丞

明

姜

耀

四川監生天順三年任

張

璉

江西安仁監生正統十年任詳見名宦

段

貞

山西榆次監生

裴

振

山東萊蕪監生

高

麟

陝西監生

李

漢

山東平原吏

甘

寵

廣西監生裁革自此始

典史

明

母貴

山東萊陽人宣德年任

王道

河南湯陰人

王恕

山西應州人治年任

曹詔

山東人正德元年任

劉愛春

南京人

周丹

福建莆田人正德六年任

韓慶

陝西涇陽人正德十年任

邢寰

河南孟津人正德十三年任

李錄

河南人嘉靖三年任

李 焱

江南人嘉靖五年任

楊 祿

山東平原人嘉靖七年任

譚 佩

山東平原人嘉靖十二年任

蔣 璉

河南孟津人嘉靖十八年任陞吏目

李 珏

鳳陽人嘉靖二十二年任

蔡得時

河南偃師人嘉靖二十四年任

張啟東

河南鈞州人嘉靖二十八年任

李宗爨

泗州盱眙人嘉靖三十三年任

王進禎

山西陽曲人嘉靖三十八年任

方 寸

浙江人嘉靖四十一年任

吳宗周

福建人嘉靖四十四年任

蕭檀

福建大田人隆慶元年任

文愚

江西人隆慶三年任

董應相

直隸涇縣人隆慶五年任

黃應祥

浙江黃岩人萬歷五年任

邱大懋

福建清流人萬歷七年任陞和平縣主簿

朱洪

江南丹徒人萬歷十二年任陞淮安倉大使

周懋

福建莆田人萬歷十二年任陞板橋山巡檢

馬允中

江南崑山人萬歷十八年任陞慶府典膳

王寧

湖廣江夏人萬歷二十三年任陞倉大使

顧應奎

浙江錢塘人萬歷二十七年任陞淇州
巡檢

張拱極

江南六安州人萬歷三十二年任

高自立

萬歷年任

王國政

萬歷四十二年任

寇修吉

崇元年任

常慎獨

崇八年任

張彩

崇十三年任

國朝

楊德

順治元年任

婁君玉

順治十二年任

劉芳遠

江南太平人順治十六年任在官十五年慈愛廉幹民甚德之後陞福建同安

巡檢

蘭國禎

山東招遠人康熙十二年任

胡銓

江南和州人康熙二十年任

周謙

河南商邱人康熙三十二年任

劉源長

浙江人康熙四十年任

李遇春

山西襄陵人康熙五十年任

薛偉

福建清縣人康熙五十七年任

王公庸

安州吏目雍正八年署任

陳之復

貴州人雍正九年任廉正不苟取

金揚

江南崑山人雍正十三年任待人忠

尚紹先

陝西汧陽人乾隆三年任廉潔自守

賴定璠

江西瑞金監生乾隆四年署任後陞東光縣知縣

劉祚永

江南鳳陽人乾隆五年任

沈熙載

浙江山陰人乾隆九年署任

蔡基

浙江會稽人乾隆九年任

楊龍翔

山東歷城人乾隆十七年署任後任任邱縣主簿

董杰

浙江山陰人乾隆十八年任

劉致

山東蓬萊人唐縣劍馬關巡檢乾隆二十年署任

韓嘉正

浙江上虞人乾隆二十年任

汪燕

湖北漢陽人乾隆二十四年署任

王兆元

浙江山陰人以主簿乾隆二十四年任

楊樂咸

江蘇武進縣人以吏目乾隆二十四年署任

徐侖

浙江會稽人乾隆二十五年任

丁鍾

嘉慶 年任

李崇慶

山東歷城縣監生嘉慶二十四年任

王錫晉

陝西商州監生嘉慶二十五年任

王履謙

嘉慶 年任

王家駟

安徽歙縣監生道光八年任

汪正泉

湖南凌縣監生道光八年任

方士倫

湖北漢川縣監生道光七年

蔡毓英

道光二十一年任

陸調鴻

浙江承德縣監生道光二十四年任

王廷祥

浙江縣人道光二十四年任

姚淦

浙江縣人咸豐三年任

張銳

湖南咸豐六年任

顏培政

廣東連平州咸豐三年任

教諭

明

李伸

東安舉人天順三年任詳見鄉賢

袁祿

河南杞縣舉人成化八年任

劉廷章

舉人成化二十年任

吳鵬

福建舉人成化二十三年任由弘治癸丑進士

李黻

山西太原人治六年任

馬鵬

山西安邑人治十五年任

吳鍾玉

廣西宜山舉人治十八年任

辛忠

廣東瓊州府人正德三年任

胡縉臣

陝西平涼府人正德八年任

侯爵

山西安邑人正德十三年任

馮繼業

山東陵縣人嘉靖二年任

邵敏學

陝西咸寧人嘉靖十年任

閻大綸

山西榆次人嘉靖十七年任

董孟晉

山東陽谷人嘉靖十九年任

朱紳

山東濮州人嘉靖二十三年任

袁江

河南鈞州人嘉靖三十年任

楊時茂

山東滋陽人嘉靖三十五年任

婁拱陽

山西忻州人嘉靖四十三年任

汪堯仁

江南休寧舉人嘉靖四十五年任

李東奎

山東莘縣人隆慶元年任

王聘

河南真陽歲貢隆慶四年任

周兆熊

廣西臨桂舉人萬曆二年任

魏奉璋

陝西鄠縣舉人萬曆五年任

張時雍

直隸武邑歲貢萬曆八年任

楊燦

河南睢州歲貢萬曆十一年任

張萬璧

直隸南和歲貢萬曆十二年任陞保安

劉廷陶

直隸邢臺人萬曆十五年任授河間府

蘇州

學訓導東寧遠衛人萬曆十五年任陞開平衛教授

李學道

四川隆昌舉人萬歷十八年任陞河間府通判

白可畏

直隸獲鹿選貢萬歷二十一年任陞朔州學正

耿慎勤

直隸元城舉人萬歷二十四年任陞蘭陽知縣

郭桂茂

直隸高邑歲貢萬歷二十八年任

陶珽

雲南姚安舉人萬歷三十二年任

謝夢豹

廣東德慶州歲貢萬歷年任有去思碑

田野

直隸饒陽恩貢萬歷三十六年任

劉芳名

山東濱州舉人萬歷三十九年任

張士毅

廣西舉人萬歷四十四年任

周汝呂

遼東舉人萬歷四十五年任陞台州府推官

董邦治 遼東歲貢天啓二年任

陳勳 河間舉人崇二年任

李友竹 平谷人崇六年任

高桂芳 直隸冀州歲貢陞保定府都司教授

趙全符 直隸永平舉人崇八年任陞忻州知州

王鑑

國朝

吳志遠 山東海豐歲貢順治二年任陞邵武知縣

余司仁 順天宛平舉人順治六年任奉委英發
豈弟性成葺學宮勸月課諸生貧者濟
之後官至給事中
中有去思碑

丁耀亢

山東諸城選貢順治十一年任博學有才工古文詩詞後擢惠安令投劾去

柴應辰

順天永清舉人寬厚和平導士有方再補故城教諭

劉名史

順天宛平人康熙十六年任

王堪

文安歲貢康熙四十六年任

孫鎬

趙州寧晉拔貢雍正三年任廉靜寡欲

張永助

安平副榜雍正八年任

許式玉

順天大興舉人乾隆十七年任修理文廟嚴課諸生以敦品行正心術爲本

閩學感戴呈請入名宦

黃文煥

唐山恩貢乾隆二十二年任

王時

河間東光舉人乾隆二十七年任

劉鵬霄

常潤

寧河縣舉人嘉慶十年任

何駿

正定縣副榜道光二年任

密紹魯

遷安縣舉人道光三年署

閻國慶

萬全縣拔貢道光四年任

張廷弼

天津縣副榜道光五年任

陳嘉謨

天津縣副榜道光六年任

姚攀雲

道光六年任

沈文炳

清豐縣恩貢道光二十年任

吳懷玉

道光二十年署

申承曾

永年縣拔貢道光二十一年任

王恩詔

舉人道光二十一年任

陳成桂

豐潤縣舉人道光二十七年任

戴淇

清縣人咸豐七年六月署任

訓導

明

顧平

山東德州人 治五年任

智琮

山西榆次人 治六年任

齊冕

山東德州人 治十一年任

張榮

山東掖縣人 治十五年任

陳洪

山東登州人 正德三年任

李淮

河南洛陽舉人 正德六年任 學行兼優 陞國子監典籍 至武昌府推官

王驩

山東清平人 正德九年任

謝天錫

山東東昌人 正德十二年任

徐貫

山東鄆城人正德十二年任

王勛

山西蒲州人正德十五年任

焦傑

嘉靖五年任

謝道

河南柘城人嘉靖七年任

江源

遼東人嘉靖十五年任

吳章

陝西咸寧人嘉靖十五年任

邊漢章

山東鄆城人嘉靖十八年任

孫塘

河南府人嘉靖十七年任

高泉

山西大同人嘉靖二十三年任

史庶

陝西麟遊人嘉靖二十五年任

蔡宗禮 山東登州人嘉靖二十七年任

張東魯 山東利津人嘉靖二十七年任

楊宗仁 陝西汧陽人嘉靖二十三年任

郭瓚 山西平遙人嘉靖三十七年任

張繪 山東登州府人嘉靖三十九年任

李機 山西人

張偉 山西太平人嘉靖四十四年任

孫良祐 山西臨汾人隆慶二年任

文一脉 山西太平人隆慶五年任

趙軒 直隸撫寧人萬歷二年任

蘇日唯

直隸平鄉人萬歷三年任

張文華

直隸盧龍衛人萬歷十一年任

韓用賓

直隸定州人萬歷十五年任陞河南府學教授

張元昆

陝西原州人萬歷十六年任陞順天大城教諭

王國仕

直隸獲鹿人萬歷二十一年任

沈登

直隸河間人萬歷二十五年任陞晉府教授

劉容

陝西醴泉人萬歷二十八年任

趙國賓

直隸遷安恩貢萬歷三十二年任

孔煥

山西文水人萬歷三十七年任

董維漢

直隸文安人萬歷四十一年任

李一松

直隸靈壽人萬歷四十五年任

朱崇儒

直隸三河人天啓元年任

任穩

直隸大名入崇四年任

萬民瞻

山東高唐州人

郭拱極

直隸宣化人

王昌祚

直隸懷柔人崇十六年任宅心樂易
不立町畦

國朝

王錫命

直隸保定縣人順治六年任

張燮

直隸大興選貢順治七年任器局爽豁
成就後學憐恤貧生陞江南常熟知縣
有去

恩

門廣傳

直隸安平人順治十三年任

胡士鳳

直隸人

張師道

直隸定人

周映斗

直隸延慶衛人康熙九年任

王師旦

直隸寶坻歲貢康熙四十七年任修
理文廟訓士有方

劉育粹

奉天錦縣歲貢雍正三年任

周之哲

奉天寧遠歲貢雍正十一年任

董宗帝

直隸巨鹿人乾隆八年任愛惜士子

李廷簡

直隸邢臺歲貢乾隆十九年任樸誠待
士

蕭 栢

奉天歲貢乾隆二十六年任
修理本署宅舍

呂世臣

郝思謨

南皮縣舉人嘉慶四年任

杜林杞

贊皇縣舉人道光五年任

沈靜

故城縣舉人道光五年任

李湘

灤州舉人道光十四年任

紀英适

獻縣舉人道光二十七年任

張本崇

萬全縣舉人道光二十七年任

李昌第

道光二十九年署

周煥文

鹽山縣舉人道光二十九年任

趙文涵

深水縣舉人咸豐二年署

李清淑

經制外委把總

劉德

定興人

王允中

新城人

王盛

新城人

時丕顯

雄縣人

線思承

毛殿魁

馬煥

道光十年

梁清泰

道光十一年

閻

鏡

道光二十年

張玉慶

道光二十三年

李兆和

道光二十四年

左永慶

道光二十六年

右秩官一類舊志載履歷甚詳自乾隆二十六年以後歷任冊卷多殘缺難稽故續入者未免畧而不備

醫學訓科

王宣

城內人

鄭泰

名宦

金

雷思

澤源人爲政廉平撫民寬厚其德碑載藝文

元

奧屯

女真人好讀書愛土歲旱蝗請賑以濟活民甚衆有去思碑載藝文

賈爨

房山人失傳

明

張璣

安仁監生爲容邑縣丞服官清謹正統間兵變官馬被掠公詣闕申訴得免賠累民感之

謝璽

山西代州進士公正廉平政有循聲均馬地甚得衆心有去思碑載藝文

劉相

山東人明廉勤慎修城池學宮及靜修祠九載而歸士民感慕詳見修城學宮

靜修詞

碑記

祁鯨

河南汲縣人才能明敏長於政事丈地均糧頓除風弊

張與行

山西絳州人釐定三壤豪右不得兼併正軍籍力役均平民建祠祀之

徐廷松

山東掖縣人敏毅有吏才能戢奸除暴革濫費歲饑出積粟減價平糶多所全活買牛百助不能耕者境無蕪田民懷之建祠以祀

劉羽國

河南唐縣人清廉平易省刑罰郵澗嚴重學校寬疑獄興利除害人稱循良

宋之儁

山西靈石人性剛毅有局幹鄰有疑獄斷案已定公洞其寃立爲昭雪調東鹿

民戀不舍

爲立祠

王文清

山東人沉静有道律身甚嚴待士以寬諸生進饋公斥之由是人知自愛視象

於難除驛累歲省民錢億萬兩邑稱直
父母擢儀曹去民建祠祀之官至中丞
聶廕緒 江南五河人政尚簡易體梯近人懲創
巨憝蠹穴一清墜同知有生祠

國朝

江起元

山東曹縣人嘗募府軍負重望初抵
容值牧馬屯田諸事紛拏公於不便民
者一切報罷至丈量地畝陂陀藪澤荒
坵斷壟悉與豁除浹歲調繁去萑苻劫
之遇 害

趙士麟

雲南河陽人以正人心敦風俗爲第
事建書院明正學與諸生講論輯其語
爲敬一錄揭教約十二則邑有不便於
民者一切報罷范陽盜起密偵聚處驟
安肅合兵殲捕畿南以安歷陞浙江巡
撫民思不忘舉祀名宦

